



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**De Ervditione Religiosorvm**

**Humbertus <de Romanis>**

**Ingolstadii, 1591**

**VD16 H 5888**

Quæ valeant ad custodiam linguæ.

[urn:nbn:de:hbz:466:1-50980](http://urn.nbn.de/hbz:466:1-50980)

de doctrina Christiana: Minus intelligantur, minus placeant, minus moueant quæ dicantur: vera tamen dicantur & iusta. Hugo de sancto Vito: Cum veritate necesse est ut sermo loquètis dulcedinem habeat: quia sæpe etiam veritas auditori amara efficitur, si aut sine ratione, aut sine dilectione, hoc est, si vel importunè vel impie contra eum proferatur. Verbum dulce multiplicat amicos, & mitigat inimicos. qui sapiens est corde, appellabitur prudens: qui dulcis est eloquio, maiora reperiet. Magis enim proficiunt, qui habent dulcedinem linguæ, quam qui habent magnam sapientiæ in corde. Et notandum quod sermo noster debet esse purus. Purus sermo, pulcherrimus, firmabitur à Domino. Purus debet esse à falsitate, purus à noxietate proximi, & purus à contumelia Dei.

*In tract. de  
instruct. no-  
uit. cap. 17.  
circa med.  
Eccl. 6.  
Ibid. 16.*

*In quarta parte huius capituli, quatuor que multum ad linguæ custodiam valent, enumerantur.*

**Q**uatuor sunt, quæ multum valere possunt ad linguæ custodiam. Primum est, quod ante portam oris barræ ponantur. Secundum est, ut porta oris raro aperiatur. Tertium est, ut aperta porta citò claudatur. Quartum, ut in ea clavis habeatur. Quasi barræ ante portam oris, sunt firma proposita declinandi illas personas, cum quibus per linguā peccare sollemus, vel loca illa in quibus habemus occasionē peccandi per linguam; Vel tenendi silentium in illis horis, in quibus homo facilius per linguam labitur: ut est hora post sumptionem cibi & po-

& potus, & alia similia proposita salubria, valentia ad custodiam linguæ. De his barris habetur  
**Pro.18.**  
 Frater qui adiuuatur à fratre, quasi ciuitas firma, & iudicia quasi vectes vrbium. Proposita ex iudicio rationis facta, sunt quasi vectes vel quasi barræ. Rarò aperienda est porta oris, & citò claudenda. Sapiens: Ad summam perfectionem te volo esse breuiloquum, rariloquum, & submissa voce loquentem. Sit omnis homo tardus ad loquendum. Seneca: Tardiloquum te esse iubeo, & propè erit tibi Deus. Idem: Aurem verbis frequentius, quām linguam accommoda. Sicut multiloquiū frequenter habet peccatum, secundum illud: In multiloquio non deerit peccatum: sic breuiloquium valet ad hoc, ut caueatur peccatum. Triplicem clauem debet habere porta oris. Primam in arca cordis. Secundam in manu Prælati. Et tertiam in manu Dei. Locutionem viri religiosi debet præcedere mentis deliberatio, id est, prius veniat sermo ad lumen quām ad linguam. Eccles. 5. Ne temerè quid loquaris. Noli citus esse in lingua. Eiusd. 21. Verba prudentum statera ponderabuntur. Sapiens habet os in corde, in cordis scilicet potestate & dispositione: stultus cor in ore. In eodem: In ore fatuorum cor illorum: & in corde sapientum os illorum. Religiosus etiam antequam loquatur, à Prælato suo licentiā debet petere. Qui nesciente & nolente Prælato ad loquendum portam oris aperit, postquam clavē ei tradidit, fracto templi spiritualis esse videtur, & quasi fur, faciendo clauem contra clauem. Orationem etiam debet ad D̄um præmittere, cuius est linguam gubernare

**Pro.19.****Jacob.1.****Pro.10.****Eccl.4.**

nare: ut linguam regat, ne in ea offendat. In Psal.  
Domine labia mea aperies.

*Quinta pars huius capituli, quantum valet claustrale  
silentium ad linguae custodiam: bonaq; ex eiusdem  
custodia prouenientia lucide ostendit.*

**C**irca claustrale silentium notandum, quod pro eius obseruantia zelare multum debent Prelati, qui claustra habent in sua custodia. Claustrum absque obseruatione silentij, est velut equus sine freno: Si equis frena in ora mittimus, ad consentiendum nobis, & omne corpus eorum circumferimus, & cetera. Sessorequi licet cæteris membris eius libertatem concedat, ori tamen frenum imponit. Sic rector clustri, frenum silentij debet ori imponere. Absq; freno silentij vana est religio: Si quis putat se religiosum esse, non refrenans linguam suam, sed seducens cor suum: huius vana est religio. Religio absque silentio, est quasi claustrum habens guerram absque porta, & absq; muro. Memento bellii, nec ultra addas loqui. Ori tuo facito ostia. Sicut vrbs patens, & absque muri ambitu: ita vir qui non potest in loquendo cohibere spiritum suum. Religiosus vir qui non seruat silentium, potest dicere illud: Quasi rupto muro & aperta ianua irruerunt super me. Silentium, quasi bestiam crudelē & indomabilem, lingua inclusam custodit: Linguam nullus hominum domare potest. Foueam obstruit, per quam infiniti perierunt: Propter peccata labiorum ruria proximat malo. Beatus qui non est lapsus verbo ex ore suo. Silentium os claudit, unde flamma